




# ხაშურის მთაშუა



№22 (203)

3 ივნისი, ორშაბათი,

2019 წელი

## პროექტი „დაგვანახე შენი სოფელი“ დასრულდა

პროექტი „დაგვანახე შენი სოფელი“ დასრულდა და დაჯილდოების ღონისძიება ხაშურში, სწორედ იმ ადგილას მოეწყო, სადაც ტაო-კლარჯეთში მდებარე ტაძრის ანალოგის - ახალი ბანას მშენებლობა მიმდინარეობს. გამარჯვებული ვიდეოს ავტორები ოთხივე მუნიციპალიტეტიდან გამოვლინდნენ, რომელთაც ფასიანი საჩუქრები გადაეცათ. ასეთი საჩუქრით ჩვენი მუნიციპალიტეტიდან გამარჯვებული ვიდეორგოლის ავტორი ნიკა კახეთელიძე დაჯილდოვდა. ასევე დაჯილდოვდნენ II – III ადგილებზე გასული ვიდეორგოლების ავტორები: არჩილ კაპანაძე და სერაფიმ მეტრეველი. საბოლოოდ კი თითოეული ვიდეოს მიხედვით საიმპიჯო ვიდეო რგოლი მომზადდება.

დაჯილდოების ღონისძიებას შიდა ქართლის რწმუნებული გიორგი ხოჯევანიშვილი, რწმუნებულის მოადგილე ნუგზარ სამხარაძე, შიდა ქართლის მუნიციპალიტეტების მერები, მერების მოადგილეები, სურამისა და ხაშურის ეპარქიის ეპისკოპოსი მეუფე სვიმეონი, მუნიციპალიტეტების კულტურის სამსახურის ხელმძღვანელები, პროექტის იდეის ავტორი და პროექტის მონაწილეები მშობლებთან ერთად ესწრებოდნენ.

„მიხარია, რომ პროექტი შედგა, მითუმეტეს, ასეთი წარმატებით, როგორც ვიცი, კონკურსს თითქმის ყველა ასაკის მონაწილე ჰყავდა. შიდა ქართლში ბევრი საინტერესო და მრავალფეროვანი ადგილი გვაქვს, რასაც ნამდვილად სჭირდება წარმოჩენა და ფართო საზოგადოებისთვის გაცნობა თავისი ისტორიითა თუ ტრადიციებით.“ - აღნიშნა გიორგი ხოჯევანიშვილმა.



## ზაფხულის ზოლოს, სოფელი ვაყა მოასფალტებულ გზას მიიღებს


ხაშურის მუნიციპალიტეტის სოფელ ვაყაში გზის მოასფალტების სამუშაოები გრძელდება.

პროექტის მიმდინარეობას ადგილზე აკვირდებოდნენ ხაშურის მუნიციპალიტეტის მერი გიორგი გურასპაშვილი, მერის მოადგილე ზურაბ როსებაშვილი, ეკონომიკის სამსახურის უფროსი სერგო ლალიაშვილი და ინფრასტრუქტურის განყოფილების უფროსი გიორგი პაპიაშვილი, მათი განმარტებით, სამუშაოები ადგილობრივი ბიუჯეტისა და რეგიონებში განსახორციელებელი პროექტების ფონდიდან ხორციელდება.

მოასფალტებული 2 400 გრძივი მეტრი გზით ,1 500 ზე მეტი მოსახლე ისარგებლებს, რაც მათ

საყოფაცხოვრებო პირობებს მკვეთრად გააუმჯობესებს.

პროექტი ჯამში 1 409 614 ლარს ითვლის და ზაფხულის ბოლოსთვის დასრულდება.



## სოფლები - ხცისი და კრისხევი ერთმანეთს მოასფალტებუდი გზით დაუკავშირდებიან

დასასრულს უახლოვდება ხაშურის მუნიციპალიტეტში სოფელ ხცისიდან სოფელ კრისხევამდე გზის მოასფალტების პროექტი.

მიმდინარე სამუშაოებს ხაშურის მუნიციპალიტეტის მერი გიორგი გურასპაშვილი, მერის მოადგილე ზურაბ როსებაშვილი და მუნიციპალიტეტის წარმომადგენლები ადგილზე აკვირდებოდნენ.

პროექტი 2150 გრძივი მეტრი მონაკვეთის მოწყობას ითვალისწინებს და

მისი ჯამური ღირებულება 827 606 ლარს შეადგენს.

სამუშაოები ადგილობრივი ბიუჯეტისა და რეგიონებში განსახორციელებელი პროექტების ფონდის თანადაფინანსებით ხორციელდება.

## ხაშურში, ვეფხვაძეების უბანში, მინი სტადიონის მოწყობის სამუშაოები მიმდინარეობს

„მოსახლეობის ინტერესებიდან გამომდინარე და ცხოვრების ჯანსაღი წესის ხელშეწყობის მიზნით, ხაშურის მუნიციპალიტეტში მინი-სტადიონების მშენებლობა -რეაბილიტაცია ერთ-ერთ პრიორიტეტს წარმოადგენს. ამჯერა-

დაც ვეფხვაძეების უბანში მინი სტადიონი შენდება. სამუშაოები 59 221 ლარით ფინანსდება. პროექტის განხორციელების შემდეგ, მუნიციპალიტეტში, სპორტული ცხოვრებისთვის, კიდევ უფრო მეტი სივრცე შეიქმნება.“-აღნიშნა ადგილზე სამუშაოების დათვალიერებისას ხაშურის მუნიციპალიტეტის მერმა გიორგი გურასპაშვილმა.

მერთან ერთად, ადგილზე იმყოფებოდნენ მერის მოადგილე ზურაბ როსებაშვილი, ეკონომიკის სამსახურის უფროსი სერგო ლალიაშვილი და ინფრასტრუქტურის განყოფილების უფროსი გიორგი პაპიაშვილი.

მათი განმარტებით, მუნიციპალიტეტი სპორტულ ცხოვრებას განსაკუთრებულ პოპულარიზაციას უწყევს და ტენდენცია კვლავაც აქტიურად გავრცელდება.



## ხაშურში, პუშკინის ქუჩაზე, მინი სტადიონის და სკვერის მშენებლობის სამუშაოები დაიწყო

„ამჟამად მუნიციპალიტეტში ძალიან ბევრი პროექტი მიმდინარეობს და ვცდილობთ, მოსახლეობის ინტერესები მაქსიმალურად გავითვალისწინოთ. ე.წ. შინდარა მჭიდროდაა დასახლებული და დასახლებული სივრცის არსებობა, მოქალაქეებისთვის მნიშვნელოვანია, მინისტადიონის მოწყობა კი ჯანსაღი ცხოვრების წესის დამკვიდრებას შეუწოებს ხელს.“ -აღნიშნა ადგილზე სამუშაოების დათვალიერებისას მუნიციპალიტეტის მერმა გიორგი გურასპაშვილმა.

მერთან ერთად სკვერისა და მინი სტადიონის მოწყობის სამუშაოებს აკვირდებოდნენ მერის მოადგილე ზურაბ როსებაშვილი, ეკონომიკის სამსახურის უფროსი სერგო ლალიაშვილი და ინფრასტრუქტურის განყოფილების უფროსი გიორგი პაპიაშვილი. მათი განმარტებით, პროექტს ადგილობრივი ბიუჯეტი აფინანსებს და ჯამში 65 784 ლარს ითვლის.



25 მაისს, თბილისში, სამოქალაქო განათლების პედაგოგთა კონფერენცია გაიმართა. აღნიშნული კონფერენცია 2012 წლიდან, წელიწადში ერთხელ იმართება. ღონისძიება წელს განსაკუთრებით მასშტაბური გახლდათ, მასში მონაწილეობა 300-მა პედაგოგმა მიიღო, გამოვლინდნენ სამოქალაქო განათლების საუკეთესო მასწავლებლები სხვადასხვა ნომინაციაში, ჯილდო სულ 35 მასწავლებელს ერგო, მათ შორის იყო 2018 წლის საუკეთესო მასწავლებლის, წლის წარმატებული პედაგოგის და სასკოლო-სამოქალაქო კლუბების საუკეთესო მეთურის ნომინაციები. წელს, სამივე ნომინაციაში, შიდა ქართლის რეგიონის მასშტაბით, ხაშურის სამი მასწავლებელი გახდა ჯილდოს მფლობელი, რაც, დამეთანხმებით, ძალიან დიდი წარმატებაა, როგორც მათთვის, ისე ჩვენი მუნიციპალიტეტისთვის.

- სამოქალაქო განათლების პედაგოგთა კონფერენცია -  
**ხაშურელ პედაგოგთა დიდი გამარჯვება**



„გახდი უკეთესი“, „მე ვარ ქართველი და მაშასადამე ევროპელი“, „მწვანე ყუთი“, „ოკუპაციის მუზეუმთან განხორციელებული პროექტი“-ეს მცირე ჩამონათვალია იმ აქტივობების, რომლებმაც ხაშურის მუნიციპალიტეტის #1 საჯარო სკოლის დირექტორს და სამოქალაქო განათლების პედაგოგ მორის დანდურიშვილს, წლის საუკეთესო სამოქალაქო განათლების პედაგოგის ჯილდო მოუტანა. თუ რა მნიშვნელობის არის აღნიშნული კონფერენცია

და რას ნიშნავს მისთვის ეს გამარჯვება, თავად მორისი ისაუბრებს:

- ბატონო მორის, ამ ფორუმში თქვენს მონაწილეობაზე გვესაუბრეთ...

- არსებობს სამოქალაქო განათლების პედაგოგთა ფორუმი, რომელიც უკვე რვა წელია აჯილდოვებს სამოქალაქო განათლების პედაგოგებს სხვადასხვა ნომინაციაში, არის წლის საუკეთესო, წლის წარმატებული და წლის სამოქალაქო განათლების კლუბის მეთურე. მასწავლებელს თვითონ შეუძლია განაცხადის წარდგენა. წარადგენ სამოქალაქო განათლების საქმის მასწავლებელს თუ რა ინოვაციები გამოიყენე, რა აქტივობები განახორციელე საჯარო სკოლაში, რა საქმიანობის გარეშე. გარდა ამისა, არის სამი დამხმარე სახელმძღვანელო, ერთ-ერთი გახლავთ თანამშრომლობა ადგილობრივ თვითმმართველობასთან, რომელიც მე გამოვიყენე, ვითანამშრომლეთ მუნიციპალიტეტის საკრებულოსთან და ჩავატარეთ იმიტირებული საკრებულოს სხდომა, რომელიც ძალიან საინტერესო აღმოჩნდა.



- ძალიან სასიხარულო და საამაუოა ის ფაქტი, რომ წელს, შიდა ქართლის მასშტაბით, სამივე ნომინაციაში გამარჯვება ჩვენი მუნიციპალიტეტის მასწავლებლებს ერგო...

- დიახ, ნამდვილად, ჩემს გარდა, დანარჩენ ორ ნომინაციაში, ქინძათის სკოლის პედაგოგი ფატმან ღამბაშიძე და ოსიაურის სკოლი პედაგოგი ნათია ბუხრიკიძე გახდნენ ჯილდოს მფლობელები.

- რა მნიშვნელობისაა ეს ჯილდო?

- ეს ჯილდო არის საუკეთესო წლის მასწავლებელი 2018, რადგან ამ წელს განხორციელებული აქტივობები წარვადგინეთ. ჩვენი გამარჯვება ის იყო, რომ ამ პროექტის გამარჯვებულები ძირითადად არიან პროგრამა „მომავლის თაობის“ ბენეფიციარები, ის სკოლები, სადაც ეს პროგრამა წლებია ხორციელდება. ჩვენთან ეს პროგრამა 2015 წელს იყო და შემდეგ დასრულდა. ეს უფრო



მოეწონათ ორგანიზატორებს, რომ უკვე განხორციელებული და დასრულებული პროგრამა გავაცოცხლე, მინდოდა, რომ ეს ბავშვებისთვის მიმეტანა. რაც შეეხება ჩემს მონაწილეობას ამ ფორუმში, მსგავს აქტივობებს წინა წლებშიც ვაკეთებდი, მაგრამ არ ვიყავი ფორუმის აქტიური წევრი. ქალბატონ დალი ბროლიძის წვლი-

ლი ძალიან დიდია ჩემს წარმატებაში, მისი დაქინებული თხოვნით, გავაკეთე განაცხადი. ეს პროექტი მთელ საქართველოს მოიცავს, დაახლოებით 1100 წევრია სამოქალაქო პედაგოგთა ფორუმის წევრი, ღონისძიებას ის 300 მასწავლებელი ესწრებოდა, რომლებმაც რეგისტრაციის გავლა მოასწრეს.

- უიურის წევრები რამდენად კომპეტენტურები არიან? მათი ვინაობა თუა ცნობილი წინასწარ?

- უიურის წევრები არიან სამოქალაქო განათლების პედაგოგთა ფორუმის აღმასრულებელი დირექტორი ქალბატონი მაკა ბიბილაძე, პროგრამა „მომავლის თაობის“ დირექტორი მარინა უშვერიძე, ილიას უნივერსიტეტის პროფესორი ნინო ჭიაბრიშვილი, განათლების სამინისტროს წარმომადგენელი, მასწავლებელთა სახლის დირექტორი ბერიკა შუკაკიძე. როცა კონკურსში ჩავერთე, მათი ვინაობა ჩემთვის ცნობილი არ იყო. - რა ეტაპებს გადის მონაწილე?



ნათია ბუხრიკიძე

- პირველი ეტაპი არის საბუთების გადარჩევა, შემდეგი ეტაპზე აკეთებ მოკლე საინფორმაციო ტიპის ბანერს, სადაც წარადგენ იმ ღონისძიებებს, რომლებიც წლის განმავლობაში განახორციელებ და პარალელურად, მიმდინარეობს ვაკეითლზე დაკვირვება. ეს არის გასაუბრება მოსწავლეებთან მასწავლებლის გარეშე და შემდეგ უკვე მასწავლებელთან ერთად. რაც ყველაზე მთავარია, ჩემს ვაკეითლს ესწრებოდა შიდა ქართლის წარმომადგენელი, ქალბატონი ლელა წურწუშია, რომელიც ასევე ახალი სკოლის მოდელის ექსპერტიც გახლავთ, რაც ძალიან საპასუხისმგებლო იყო ჩემთვის. ქალბატონი ლელას სტუმრობა ერთგვარი ნიშანი იყო იმის, რომ შეიძლებოდა წარმატება მოსულიყო.

- თქვენი მოსწავლეები როგორ შეხვდნენ ამ ამბავს?

- როცა ჩემს მოსწავლეებს ვუთხარი, სადაც ვიღებდი მონაწილეობას, ძალიან შემიწყეს ხელი, ბავშვებში მოტივაცია ძალიან გაიზარდა, ისინი ზრუნავდნენ, რომ ეს პროცესი არამარტო მათთვის ყოფილიყო სასარგებლო, არამედ ჩემთვისაც, მაქსიმალურად დაიხარჯნენ გარე დაკვირვების ვაკეითლზე.

- დაჯილდოვებაზე გვესაუბრეთ. როგორც ვიცი, დიდი ინტერესი გამოიწვიეთ...

- თბილისში რომ ჩავედი და გადავხედე დარბაზს, სადაც 300 მოლოდინადქცეული მასწავლებელი იყო, ვიფიქრე, რომ შანსები ძალიან შემცირდა, თუმცა რეალობა სხვა აღმოჩნდა. სანამ დარბაზში შევიდოდი, მოვიდა „მომავლის თაობის“ დირექტორი, რომელმაც მითხრა, რომ იუსაიდის დემოკრატიის, მმართველობის და სოციალური განვითარების ოფისის

დირექტორს ადამ შმიდტს და მინისტრის მოადგილეს მარინა აბულაძეს ჩემი ბანერის ნახვა სურდათ, ვისაუბრეთ განხორციელებულ პროექტებზე. როდესაც გაიგეს, რომ სკოლის დირექტორი ვიყავი, ძალიან მოეწონათ და აღნიშნეს, რომ სწორედ დირექტორი უნდა იყოს სამოქალაქო განათლების მასწავლებელი, რათა ყველა აქტივობის განხორციელება შეძლოს. სამოქალაქო განათლების ფორუმის დირექტორმა დამაჯილდოვა, რაც ძალიან სასიხარულო იყო ჩემთვის.

- რას ნიშნავს, თქვენთვის, იყოთ შიდა ქართლის რეგიონში სამოქალაქო განათლების წლის საუკეთესო მასწავლებელი?

- ამასზე დიდი ჯილდო ამ სფეროში არ არსებობს, არის წლის ქართულის მასწავლებელი, წლის უცხო ენის მასწავლებელი, მასწავლებლის ეროვნული ჯილდო. მაგრამ სამოქალაქო განათლება ეს არ არის საგანი, ესაა ცხოვრების წესი, რაც ზრდის მოსწავლეებს ქვეყნის სრულფასოვან წევრებად. ეს არის ჩემთვის დამატებითი მოტივატორი, იმისთვის, რომ ვიაქტიურო უფრო მეტად, გავაკეთო უფრო მეტი ჩემი მოსწავლეებისთვის, იმიტომ, რომ, ამ ბავშვებმა არ თქვან, რომ ჩემი მიზანი მხოლოდ ჯილდო იყო და არა იმ დირეხულებების დამკვიდრება, რაც არის სამოქალაქო ცნობიერების ასამაღლებლად ძალიან მნიშვნელოვანი. მე ვფიქრობ, რომ კარგ მოქალაქეებად გავზრდი ჩემს მოსწავლეებს.



ფატმან ღამბაშიძე-გვარამაძე

- რას ნიშნავს, თქვენთვის, იყოთ შიდა ქართლის რეგიონში სამოქალაქო განათლების წლის საუკეთესო მასწავლებელი?

- ამასზე დიდი ჯილდო ამ სფეროში არ არსებობს, არის წლის ქართულის მასწავლებელი, წლის უცხო ენის მასწავლებელი, მასწავლებლის ეროვნული ჯილდო. მაგრამ სამოქალაქო განათლება ეს არ არის საგანი, ესაა ცხოვრების წესი, რაც ზრდის მოსწავლეებს ქვეყნის სრულფასოვან წევრებად. ეს არის ჩემთვის დამატებითი მოტივატორი, იმისთვის, რომ ვიაქტიურო უფრო მეტად, გავაკეთო უფრო მეტი ჩემი მოსწავლეებისთვის, იმიტომ, რომ, ამ ბავშვებმა არ თქვან, რომ ჩემი მიზანი მხოლოდ ჯილდო იყო და არა იმ დირეხულებების დამკვიდრება, რაც არის სამოქალაქო ცნობიერების ასამაღლებლად ძალიან მნიშვნელოვანი. მე ვფიქრობ, რომ კარგ მოქალაქეებად გავზრდი ჩემს მოსწავლეებს.

თ. ჯავახიშვილი



(გაგრძელება)

ვახუშტი და იოანე ბატონიშვილები მას არ იცნობენ, არც ქართულ ისტორიულ და ეკონომიკური ხასიათის დოკუმენტებში გვხვდება.

1886 წლის აღწერით, აქ 10 კომლია (50 კაცი და 41 ქალი, სულ 91 კაცი), მოსახლეობა, ეროვნული შემადგენლობის თვალსაზრისით, მთლიანად ოსურია.

1925 წლისათვის სათიბებში 25 კომლი მოსახლეა.

აქ მხოლოდ ერთი გვარის წარმომადგენლები - თიგიშვილები ცხოვრობდნენ, რომლებიც XX ს-ის 50-იან წლებში სოფელ ცხრაშუხაში ჩაასახლეს და სოფელიც მოიშალა.

სახელწოდება დანიშნულების სახელისგანაა ნაწარმოები, რომელსაც ერთვის მრ. რიცხვის ნიშანი - ებ და სახელობითი ბრუნვის ნიშანი - ი.

სათიბი ს.ს. ორბელიანის მიხედვით არის „გასათიბავი, გასათიბი“.

სათივე - სოფელი, მდებარეობს მდ. მტკვრის მარჯვენა სანაპიროზე, ზ.დ. 680 მ. ხაშურიდან დაშორებულია 19 კმ-ით. შედის ქვიშხეთის სასოფლო საკრებულოში.

ვახუშტი და იოანე ბატონიშვილები ამ სოფელს არ იცნობენ, არც ქართულ ისტორიულ და ეკონომიკური ხასიათის ძეგლებში გვხვდება.

სოფლის სახელწოდება ტივიდან უნდა მომდინარეობდეს და მას უწინ სატივე უნდა რქმეოდა. ეს ვარაუდი დასტურდება ხალხში გავრცელებული გადმოცემითაც. ბორჯომის ხეობისა და ხაშურის რაიონის მოსახლეობის ერთი ნაწილი ჩვენს დრომდე მეტივეობას მისდევდა და ამისთვის მდ. მტკვარი გამოიყენებოდა. როგორც ჩანს, დღევანდელ სათივესთან იკვრებოდა ტივეები და ადგილსაც სატივე შეერქვა. შემდგომ ხანებში სახელწოდებამ განიცადა ტრანსფორმაცია და სატივიდან მივიღეთ სათივე.

აქ სახლობენ გვარები: გელაშვილი, გლუნჩაძე, გრიგალაშვილი, ლომსაძე, ჩადუნელი.

სათივე დანიშნულების სახელია წარმოების მხრივ.

სათივე ს.ს. ორბელიანის განმარტებით „თივის სასათიბრო“ ადგილს ნიშნავს.

სათივეში მდებარეობდა ღვთისმშობლის ხის ეკლესია, რომელიც XIX საუკუნით თარიღდებოდა. დღევანდელი ეკლესია XXI ს-ის დასაწყისშია აგებული.

საკირდელე - ნასოფლარი ღიხის ქედის აღმოსავლეთ კალთაზე, სოფლების - ბრილსა და ალს შორის. მდებარეობს ალის სასოფლო საკრებულოს ტერიტორიაზე.

ქართულ საისტორიო მწერლობაში ცნობილი არ არის, არც ისტორიულ და ეკონომიკური ხასიათის ძეგლებში გვხვდება.

აქ ცხოვრობდნენ გვარები: ნოზაძე, ტაბაშიძე, რომლებიც XX საუკუნის 50-იან წლებში ჩაასახლეს ალში.

სახელწოდება სიტყვათშეერთებით არის მიღებული. ნაწარმოებია სა-ე თავსართ-ბოლოსართით, რომელიც დანიშნულების სახელთა მაწარმოებელია. კირი და ღელე ორივე არსებითი სახელია. ალის შემოგარენი მდიდარია კირქვით, რაც საფუძვლად უნდა დადებოდა სოფლის სახელწოდებას. ჯერ იქნებოდა საკირის ღელე-ხოლო შემდეგ საკირდელე.

სამევირალო - ნასოფლარი ღიხის ქედის აღმოსავლეთ კალთაზე. შიდა ქართლის ვაკეზე, სოფელ ტკოცის დასავლეთით. მდებარეობს ფლავის სასოფლო საკრებულოს ტერიტორიაზე.

ვახუშტი და იოანე ბატონიშვილები არ იცნობენ. მას არც ქართულ ისტორიულ და ეკონომიკური ხასიათის ძეგლებში გვხვდება.

1914 წლის ივლისისთვის აქ ცხოვრობდა 97 კაცი.

სამევირალო სადაურობის სახელია სა-ო პრეფიქს-სუფიქსით. რაც შეეხება „მევირაალ“-ს, იგი უპირო ზმნაა, კერძოდ მიმდებარება მ-ალ თავსართ-ბოლოსართით. იგი საფუძვლად დაედო სადაურობის სახელს.

ხალხში გავრცელებული გადმოცემით, ამ ადგილზე სათვალთვალო კოშკი მდგარა, საიდანაც გუშაგი მტრის გამოჩენის შემთხვევაში მოსალოდნელ საფრთხეს ყვირილით ამცნობდა ახლომდებარე სოფლების მოსახლეობას.

მეორე ვარიანტით აქ ტყე ყოფილა, ირმები ჩამოდიოდნენ და ყვიროდნენ.

სამევირალოზე მდებარეობს წმ. გიორგის ეკლესია, რომელიც ფეოდალური ხანით თარიღდება. მის ირგვლივ შეიმჩნევა ნაგებობათა ნაშთები.

სარმანიშვილისკარი - სოფელი, მდებარეობს ბორჯომის ხეობის დასაწყისში მდ. მტკვრის მარჯვენა სანაპიროზე ამავე სახელწოდების ხევიში. ზ.დ. 720 მ. ხაშურიდან დაშორებულია 17 კმ-ით. შედის ქვიშხეთის სასოფლო საკრებულოში.

ერთ-ერთი უძველესი დასახლებული პუნქტია. მას იცნობს ქართული საისტორიო მწერლობა, გვხვდება ისტორიულ და ეკონომიკური ხასიათის ძეგლებში. ისტორიული გეოგრაფია მას ბორჯომის ხეობას მიაკუთვნებს.

სახელწოდება წარმომდგარია სარმანიშვილის გვარიდან, რომლებიც აქ სახლობდნენ. ამავე გვარიდანაა წარმომდგარი თვით ხეობის სახელწოდებაც, რომლის ბოლოშიც მდებარეობს დღევანდელი დასახლება. ვახუშტი ბატონიშვილის მიხედვით, ტაშისკრის „...პირისპირ, სამხრიდამ, ერთვის მტკუარს სარმანიშვილის-ხევი, გამოსდის ყერძენსა და ამას შუას მთასა“. ვახუშტის რუკაზე დატანილი აქვს სოფელი სარმანიშვილი.

სარმანიშვილის ხევის სათავეში მდებარეობს ნასოფლარი, აქვეა ეკლესიის ნანგრევებიც. გადმოცემით, სოფელი თავდაპირველად აქ ყოფილა და შემდეგ გადმოსულა დღევანდელ ადგილზე.

სარმანიშვილისკარი ქართულ ისტორიულ დოკუმენტებში XVIII საუკუნის 20-იანი წლებიდან გვხვდება. მაგრამ ეს იმას არ ნიშნავს, რომ აქ დასახლება მანამდე არ იყო. ამაზე მეტყველებს შემთხვევით მოპოვებული ის არქეოლოგიური მასალა, რომელიც ანტიკური ხანით თარიღდება.

თ. ლაცაბიძე

(გაგრძელება იქნება)

თაობათა ცვლა

სკოლა ყველაზე უფრო დინამური და ცოცხალი ორგანიზმია, მისთვის დამახასიათებელია მუდმივი ცვლა და განახლება. ცნობილია ის ჭეშმარიტება, რომ მომავალი მხოლოდ იმ ქვეყნებს აქვთ, რომლებსაც მაღალი დონის, ხარისხიანი განათლების სისტემა გააჩნიათ. დღევანდელ მოთხოვნებს წარმატებით პასუხობს 1-ლი საჯარო სკოლის ადმინისტრაცია და პედაგოგიური კოლექტივი აღსაზრდელებთან ერთად.

დღას ქალაქის ცენტრში 100 წლის შენობა - განახლებული,



მისაღებად. ახალ სასწავლო წელს ახალი რეფორმებით ვეგებებიან, სასწავლო წლის დასასრულს აჯამებენ ნაშრომს, ზოგს ამზადებენ შემდგომ საფეხურზე გადასასვლელად, ზოგს კი, გზას ულოცავენ ცხოვრების გზაზე გასასვლელად.

სასწავლო წლის წარმატებით დამთავრების შემდეგ, სერტიფიცირებულია პედაგოგმა-ნაილი კვერნაძემ მშობლების, სკოლის კურსდამთავრებულთა, პირველკლასში შემომსვლელთა და ათეული წლების წინ 1-ლი სკოლის კურსდამთავრებულ, ოქროსმედალოსან, პოეტ ლალი ჯაფარაშვილთან ერთად მიგვიწვია ღონისძიებაზე „თაობათა ცვლა“.

მოსწავლეებს მიესალმა სკოლის დირექტორი ბატონი მორის დანდურიშვილი, ხაშურის ჰიმნის ტექსტის ავტორი, პოეტი ლალი ჯაფარაშვილი, რომელმაც თავისი წიგნები საჩუქრად გადასცა სკოლის განახლებულ, მერი ხარაბაძის სახელობის ბიბლიოთეკას.

ქალბატონ ნაილი კვერნაძის მიერ ორგანიზებულია, შინაარსიანმა ღონისძიებამ ყველა ადგვაფრთოვანა. გადაიღეს სამახსოვრო სურათები. ეს დღეც 1-ლი სკოლის მრავალფეროვანი ისტორიის საკუთრება გახდა და სკოლის მატინგს ფურცლებს შეემატა.

მასწავლებელი, რომელიც ყველა უნარს ფლობს, რაც საჭიროა ერთ-ერთობისა და თანამშრომლობისთვის, ლალი, თავისუფალი, მოაზროვნე, განათლებული თაობის აღსაზრდელად, კვლავ განუხრებლად ემზადება შემდგომი წარმატებითვის.

ინეზა ელისაშვილი



გალამაზებული, თანამედროვე ტექნოლოგიებით და თვალსაჩინოებით აღჭურვილი. ძეგლად ქცეული ცოდნის ტაძარი - პროფესიონალი, საქმეზე და მოზარდზე შეყვარებული ადმინისტრაციითა და პედაგოგიური კოლექტივით, რომლებიც არ უჩივიან კონტინგენტის სიმცირეს, პირიქით, ზოგჯერ უარის თქმაც უწევთ ახალი მოსწავლის

### ხაშურის პირველი საჯარო სკოლის მათემატიკის პედაგოგი პროექტის „მასწავლებელი-მეგზური ევროპისკენ“ გამარჯვებული გახდა

ხაშურის პირველი საჯარო სკოლის პედაგოგი ნანა დაბრუნდაშვილი, 10 საუკეთესო პედაგოგს შორის, მოხვდა, რომლებმაც საკუთარი ნაშრომები კონკურსზე წარადგინეს.

„ევროპასთან ერთად“ ასე ჰქვია პროექტს, რომელიც ხაშურელმა პედაგოგმა პირველ საჯარო სკოლაში განახორციელა და მოსწავლეებს ევროპულ ღირებულებებსა და იმ მითების შესახებ ესაუბრა, რომელიც საქართველოშია გავრცელებული.

საუკეთესო პროექტების ავტორი მასწავლებლების დაჯილდოების ცერემონია „ევროპის დღეები 2019“-ის ფარგლებში გაიმართა. პედაგოგებს ჯილდოები მთავრობის მეთაურმა გადასცა.



### ნეპრიკა

## ნუ ნავშდით ღირსეული პიროვნებების კვადს

გახსოვთ ილიას ცნობილი „მუდარა“: „დედავ, ისმინე ქართველის ვედრება, ისე აღზარდე შენ შვილის სული, რომ წინ წარუძღვეს ჭეშმარიტებას, უკან რჩეს კვალი განათებული...“ დიას, ეს ილია, XIX საუკუნეა, მაგრამ ერის მამის ამ შეგონებამდეც, ეს სიბრძნე ადამიანის ცხოვრების კრელოს მთავარი „თეზისია“, რომელიც უფალმა ჯერ კიდევ ბიბლიიდან „უანდერძა“ კაცობრიობას. ბევრი, დეითის მადლით, ძალიან ბევრი მამულიშვილი გვეყვავს ქართველებს, რომლებმაც მართლაც ისეთი კვალი დატოვეს, მთელი თაობების გზამკვლევად რომ იქცა და მომავალშიც იქცევა.

ერთი პატარა რეპლიკისათვის, შეიძლება, დიდი შესავალიც კი გამოივიდა, მაგრამ ერთსაც დავამატებ და მთავარ სათქმელსაც მოგახსენებთ: ღირსეული პიროვნებები არც ჩვენს მუნიციპალიტეტს აკლდა, პიროვნებები, რომლებმაც იცხოვრეს, იღვაწეს და ხე-კეთილი ამრავლეს. ერთ-ერთი მათგანი იყო მერაბ მათიაშვილი, რომელმაც, ხანმოკლე სიცოცხლის მიუხედავად, ხაშურის ჯანდაცვის სფეროში იმხელა კვალი დატოვა, რომ მთელმა ქალაქმა, მთელმა რაიონმა დაუფასა ამაგი და ცენტრალური საავადმყოფოს მისი სახელი მიანიჭა. როდესაც ეს საავადმყოფო სახელმწიფო საკუთრებიდან კერძო მფლობელობაში გადავიდა და იგი „აისი“ ჯგუფმა ჩაიბარა, მისმა ადმინისტრაციამ მოსახლეობის ნების ეს ერთგვარი „იურიდიული ვალდებულება“ გადაიბარა



და კლინიკას მერაბ მათიაშვილის სახელი დაუტოვა. ორიოდე წლის წინ, კლინიკას ისევ შეეცვალა მფლობელი და მას დღეს კომპანია „ვეექსი“ მართავს. სამწუხაროდ, „ვეექსის“ აზრადაც აღარ მოსვლია თვითონაც იგივე გააკეთებინა და ქალაქის ნების გამოხატულება დოკუმენტურად დაერეგისტრირებინა. არა, ჩვენი კანონმდებლობა არც ავალდებულებს ახალ მფლობელს ამის გაკეთებას და მას სრული უფლება აქვს მართვის ქვეშე მყოფი ობიექტის სახელწოდება საჯარო რეესტრში თავისი სურვილისამებრ შეცვალოს, მაგრამ აქ არის მეორე მხარეც, რომელსაც უფრო მორალისკენ მივყავართ. არ გვგონია, რომ ამ ღირსეული პიროვნების სახელით რაიმე ჩრდილი მიდგომოდა მფლობელს, არა გვგონია, რომ მაინცდამაინც კარგი უესტი იყოს, როდესაც იმ ქალაქის მოსახლეობის ნებას, სადაც ბიზნესის ოპერირებას ეწევი, იგნორს უკეთებ და არაფრად არ მიიჩნევ მათ აზრს. კიდევ ერთხელ ვიმეორებთ, კანონმდებლობა მათ არ თხოვს ამის შესრულებას, მაგრამ თუ ისინი გააკეთებდნენ, არ იქნებოდა ერთგვარი პატივისცემის გამოხატვა ქალაქის მოსახლეობისა და თუ გნებავთ, ქალაქის ისტორიის მიმართაც? ვფიქრობთ, იქნებოდა!



დღეს, საავადმყოფოს წინა ეზოში კია შემორჩენილი ძველი ტრაფარეტი, რომელიც, მითქოსდა, ადასტურებს, რომ კლინიკა მერაბ მათიაშვილის სახელობისაა, მაგრამ, ფაქტია, რომ ეს ტრაფარეტი მხოლოდ ფარტინა ქაღალდია და მეტი არაფერი. რა თქმა უნდა, არც ჩვენ გვაქვს უფლება დავავალდებულოთ „ვეექსის“ მესვეურები, რომ ოფიციალურად დაარეგისტრირონ ძველი სახელწოდება, მაგრამ გულის შორეულ კუთხეში მაინც რჩება იმედის ნაპერწკალი, რომ ისინი ამას გააკეთებენ, რაც მართლაც ღირებული ნაბიჯი იქნება მათი მხრიდან.

და ერთიც: ისეთი ღირსეული პიროვნებების კვალს, როგორც ბატონი მერაბი იყო, თუ ერთი თაობა პატივს მიაგებს, შემდეგმა თაობებმაც იგივე უნდა გააკეთონ, თუ არადა აწმყო, რომელიც წარსულმა უნდა შეას, ვერასოდეს გახდება „მშობელი მომავლისა“ და თუ გახდება, იმ მომავალში, ვეჭვობ, ცისარტყელას ვეველა ფერი მოიძებნებოდეს.

გოგი გოგოლაძე

## ა(ა)იპ-ები „ხაშურსერვისი“ და „სავანე“ გაერთიანდა

„ხაშურის მოამბისთვის“ ორი დამოუკიდებელი სამსახურის ა(ა)იპ „ხაშურსერვისის“ და ა(ა)იპ „სავანე“-ს გაერთიანების შესახებ გახდა ცნობილი, ჩვენ, რა თქმა უნდა, დავინტერესდით ამ ცვლილების შესახებ და ამჟამად უკვე ა(ა)იპ „ხაშურსერვისის“ დირექტორს ნუკრი ცხოვრებაძეს ვესტუმრეთ, რომლისგანაც გვინტერესებდა კონკრეტული პასუხები იმ ცვლილებებზე, რასაც ამ ორი სამსახურის გაერთიანება გამოიწვევდა. საქმე ეხება ერთიან



ბიუჯეტს, თანამშრომელთა რაოდენობას, დაგეგმილ სამუშაოებს და სხვა.  
- ბატონო ნუკრი, გვიამბეთ ორი სამსახურის გაერთიანების შესახებ?  
- სამსახურების შერწყმის პროცესი 15 მაისიდან დაიწყო და ამჟამად გრ-

ძელდება. გარკვეული ტექნიკური სამუშაოებია ჩასატარებელი. წინასწარ, ორივე სამსახური, როგორც ა(ა)იპ „ხაშურსერვისი“ ასევე, ა(ა)იპ „სავანე“ ჩაგვყენეს საქმის კურსში, შესაძლო გაერთიანების და რეორგანიზაციის შესახებ.

- ბიუჯეტი რამდენით განისაზღვრა?
- შეერთების შედეგად, ცხადია, ორივე სამსახურის ბიუჯეტი შეჯერდა და დაახლოებით 1 700 000 მილიონს უტოლდება.
- ამ რეორგანიზაციის შედეგად, სამსახურების თანამშრომლებს შეეხოთ გარკვეული ცვლილებები?
- ამჟამად ორივე სამსახურში ერთად 213 ადამიანია დასაქმებული. სამწუხაროდ ა(ა)იპ „სავანიდან“ 7 ადამიანი გათავისუფლდა, თუმცა დანარჩენ დასაქმებულებს ხელფასები გაეზარდათ და ჩვენი თანამშრომლების ხელფასებს გაუტოლდა.
- მიმდინარე წელს რა სამუშაოებია დადგენილი სამსახურის მიერ?
- ტრადიციულად, დასუფთავება, განათება და შიდა გზები, რაც ჩვენი სამსახურის პრეროგატივა გახლდათ და ამასთან ერთად დაგეგმილ უპატრონო ძაღლების მომვლა-პატრონობა, სასაფლაოები და დეკორატიული ყვავილებით ქალაქის გალამაზება, ცხადია, თანამშრომელთა ერთიანი ძალებით. ამჟამად, მოვიცავით სხვადასხვა სოფელი: ქვიშხეთი, ცხრაშუხა, ოსიაური, სადაც აქტიურად მიმდინარეობს გასუფთავების და ბაღების გათიბვის სამუშაოები, ამასთან, საკურორტო ზონებში, მაგალითად სურამში, ვცდილობთ გარეგანი იერსახე შეიცვალოს, უფრო გალამაზდეს და ტურისტებისთვის და ადგილობრივთათვის სასიამოვნო გარემო შეიქმნას.
- როგორც ვხედავთ, სამსახურმა, ქალაქში, ყვავილების დარგვა დაიწყო, მოგვიყვით ამის შესახებ?
- დიას, ქალაქის გამწვანებით სამუშაოები უკვე მიმდინარეობს. გამოცხადებული ტენდერის შედეგად, გამოვლინდა გამარჯვებული კომპანია „მწვანე სახლი“, რომელიც ეტაპობრივად შემოიტანს 25500 მძირ ყვავილის ჩითილს, რომელიც ქალაქის სხვადასხვა ნაწილში დაირგება და მნიშვნელოვნად შეცვლის ქალაქის იერსახეს. ყვავილის ჩითილი, ცხადია, ახალი და ხარისხიანია და შეესაბამება დადგენილ სტანდარტებს და მოთხოვნებს.

თ. ახალკაცი

29 მაისს, ხაშურის მხარეთმცოდნეობის მუზეუმში, მხატვარ რევაზ კოშკაძის საიუბილეო პერსონალური გამოფენა მოეწყო. ბატონი რეზო, ამ დღეს 70 წლის გახდა, ამიტომაც გამოფენაზე - ვერნისაუი -

### რეზო კოშკაძის გამოფენა 70 წლის იუბილესთან დაკავშირებით



რეზო კოშკაძის გამოფენაზე თავი მოიყარეს საზოგადოებისთვის ცნობილმა პიროვნებებმა, ესენი იყვნენ: მხატვართა კავშირის თავჯდომარე გურამ ცერცვაძე, კულტურის ყოფილი მინისტრი ვალერი ასათიანი, პოპულარული მსახიობი დავით კვიციანი, პოეტი მანანა დანგაძე, ლეგენდარული ფეხბურთელი მანუჩარ მანაიძე (ბატონ რევაზს დახატულ აქვს მანუჩარ მანაიძის პიპერ-რეალისტური ავტოპორტრეტი) და სხვანი. ყველამ ერთხმად აღიარა მხატვრის ყველასაგან განსხვავებული ნიჭი და ხელება. აქვე შეგახსენებთ, რომ რევაზ კოშკაძე მხატვართა კავშირის წევრია.

სახელწოდებით „დაბრუნება“, რომელშიც დაახლოებით 42 ლექსია შესული.

გამოფენას ხაშურში წინ უძღვოდა თბილისში მხატვრის საერთაშორისო ცენტრში მხატვრის პერსონალური გამოფენა, სადაც 28 ნახატი იყო გამოფენილი, მათ შორის, 3 ხატწერის ნიმუში.

გამოფენაზე თავი მოიყარეს საზოგადოებისთვის ცნობილმა პიროვნებებმა, ესენი იყვნენ: მხატვართა კავშირის თავჯდომარე გურამ ცერცვაძე, კულტურის ყოფილი მინისტრი ვალერი ასათიანი, პოპულარული მსახიობი დავით კვიციანი, პოეტი მანანა დანგაძე, ლეგენდარული ფეხბურთელი მანუჩარ მანაიძე (ბატონ რევაზს დახატულ აქვს მანუჩარ მანაიძის პიპერ-რეალისტური ავტოპორტრეტი) და სხვანი.



რედაქციის სახელით ვულოცავთ ბატონ რეზოს 70 წლის იუბილეს, დღეგრძელობა და ჯანის სიმრთელე მას, ვუსურვებთ, მისი შემოქმედებითი წვა არასდროს განელებულიყოს.

თ. ახალკაცი

უნეტარესის ილია II კურთხევა მიიღო ხატის წერაზე. მისი დაწერილი ორი ხატი, პატრიარქის ლოცვა-კურთხევით ხობის სამონასტრო კომპლექსშია დაბრძანებული.

მიუხედავად იმისა, რომ საზოგადოების ძირითადი ნაწილი ბატონ რეზოს, როგორც მხატვარს, ისე იცნობს, ის შესანიშნავი პოეტი და მუსიკოსია, ხოლო პროფესიით ისტორიკოსი. გასულ წლებში ის აქტიურად მოღვაწეობდა მუსიკალურ სფეროში და ხელმძღვანელი იყო იმ ანსამბლებისა, რომლებმაც მისი თაოსნობით მრავალი წარმატება და ჯილდო მოიპოვა. რაც შეეხება, მის ლექსებს, მათ პოეტურ კრებულში მოიყარეს თავი



- რაგბი -

### სურამის „მგლების“ ყოველწლიური პროგრესი

ამ სამიოდე წლის წინ, სურამი და რაგბი ერთმანეთისაგან მთელი პოლუსით დაშორებული ცნებები იყო. სპორტის ამ ულამაზეს და ვაჟკაცურ სახეობას, დაბაში, არც ტრადიცია ჰქონდა და მითუმეტეს - არც ისტორია. ყველაფერი კი ერთი კაცის - კახა აბრამაშვილის ენთუზიაზმით დაიწყო. ყოფილი რაგბისტი აბსოლიტურად ყამირიდან შეუდგა საქმეს და აგერ, დღეს, სურამში უკვე რაგბის ბუშია. ნელ-ნელა ავითარებდა და აყვარებდა იგი რაგბს სურამს და სურამელებს. ნაბიჯ-ნაბიჯ მიიწვედნენ წინ და თუ დღეს, სურამში, ღამის ყოველი მეორე მოზარდი რაგბითაა „დააფადებული“, ამ კაცის დამსახურებაა. მართლაც საამო სანახავია, როდესაც სურამის სტადიონზე, ყოველდღიურად, ათეულობით მოზარდის ყიჟინა ისმის, როდესაც ვარჯიშში 7-8 წლისანები 16-17 წლისანებს ენაცვლებიან. შედეგებიც ნელ-ნელა მოვიდა. სხვადასხვა ასაკობრივ ფესტივალებზე გამარჯვება მრავლადაა, თუმცა, რაღა ფესტივალები, აგერ, სურამის „მგლები“ ჭაბუკთა „ბ“ ლიგაშიც იწრთობა და წლებადღე წელს კარგი შედეგიც დადო - 48 გუნდს შორის ათეულში დამკვიდრდა. მავანმა შე

ამ ბიჭების შემართებას რომ ვუყურებთ, ჩვენც გვჯერა ამის. ჩემპიონობისაკენ მიმავალი გზა არასოდესაა იოლი, მაგრამ „მგლების“ ენთუზიაზმს რომ ვუყურებთ, არც ეს ოცნება უნდა იყოს შორს. ამის თქმის საფუძველს კი „მგლების“ მომავალი თაობის - 7-8 წლის ბავშვების ანთებული თვალები გვაძლევს.



ერთ გუნდად რომ დგებიან, მკრძხე ხელს მძლავრად ირტყამენ და ბოლო ხმაზე ყვირიან: - ჩვენ სურამის „მგლები“ ვართ!

გ. გოგოლაძე

იძლება იფიქროს, რომ ეს არაფერი შედეგია, მაგრამ რაგბში ოდნავ ჩახედული ადამიანისთვისაც კი ნათელია, რომ ფაქტობრივად დებიუტანტებისათვის ეს მოსალოდნელზე მეტია. კახა აბრამაშვილი: - ამ სეზონით უკმაყოფილო ნამდვილად არ ვარ. ბიჭებმა მაქსიმუმი გაიღეს და დიდი ტრადიციების მქონე ქუთაისის თუ თბილისის გუნდები ჩამიტოვეს უკან. მთავარია, რომ ამ ბიჭებს რაგბი უკვე სისხლში აქვთ და თუ დიდი სპორტსმენები არ გახდებიან, მჯერა კარგ და ვაჟკაც ქართველებად ჩამოყალიბდებიან...

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.   
 P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.